

**ՀԱՐԿԱԴԻՐ ԿԱՏԱՐՈՒՄՆ ԱՊԱՀՈՎՈՂ ԾԱՌԱՅՈՒԹՅԱՆ  
ԻՐԱՎԱԲԱՆԱԿԱՆ ԲԱԺՆԻ ԱՌԱՋԱՏԱՐ ԽՈՐՀՐԴԱՏՈՒԻ  
ՊԱՇՏՈՆԻ ՀԱԿԻՐՃ ՆԿԱՐԱԳԻՐԸ**

**1. Գործառույթներ.**

**Բաժնի առաջատար խորհրդատուն՝**

• Իրականացնում է վարչական, քաղաքացիական, քրեական գործերով Ծառայության շահերի, կատարողական վարույթով հարկադիր կատարողի շահերի ներկայացումը,

• Իրականացնում է Ծառայության տարածքային ստորաբաժանումներին առնչվող վարչական, քաղաքացիական դատական գործերով ՀՀ վերաքննիչ, վճարելի բողոքների նախագծերի կազմումը և նույն դատարաններում Ծառայության շահերի ներկայացումը, ինչպես նաև Ծառայության մասնակցությամբ քաղաքացիական և վարչական գործերով կայացված դատական ակտերի հարկադիր կատարման փուլում ներկայացուցչությունը՝ համապատասխան լիազորագրի հիման վրա,

• Մասնակցում է դատական պրակտիկայի ուսումնասիրության արդյունքում և իրավական ակտերով նախատեսված դեպքերում իրավական ակտերի փոփոխություններ, լրացումներ կատարելու վերաբերյալ համապատասխան առաջարկությունների ներկայացմանը, ինչպես նաև այլ պետական մարմինների կողմից ներկայացված իրավական ակտերի նախագծերի վերաբերյալ իրավական եզրակացությունների նախագծերի նախապատրաստմանը,

• Մասնակցում է կատարողական վարույթների շրջանակներում անձանց գործողություններին քրեաիրավական գնահատական տալու առնչությամբ Գլխավոր հարկադիր կատարողի կողմից քրեական հետապնդման մարմիններին ուղղված հաղորդումների և նյութերի նախագծերի նախապատրաստմանը,

• Իրականացնում է ըստ հանձնարարության՝ ֆիզիկական և իրավաբանական անձանց կողմից Ծառայությանն ուղղված գրությունների պատասխան-գրությունների նախապատրաստումը,

• Իրականացնում է Ծառայության ստորաբաժանումներին և հարկադիր կատարողներին իրավաբանական խորհրդատվության տրամադրում:

**2. Պաշտոնին ներկայացվող պահանջները.**

Հարկադիր կատարման ծառայության իրավաբանական բաժնի առաջատար խորհրդատուի պաշտոնում նշանակվելու համար աշխատանքային ստաժ և աշխատանքի բնագավառում փորձ չի պահանջվում:

Պաշտոնին ներկայացվող մասնագիտական պահանջները սահմանված են ՀՀ փոխվարչապետի 30 հուլիսի 2020 թվականի [N 461-Ն](#) որոշմամբ: